

# Powšitkowne WOZJEWJENJA

njedźelu, 24. decembra 2023

## Wusyłanje Božich mšow

Serbskorěčnu Božu mšu móža wěriwi tutu njedźelu, 24. decembra, w 9.00 hodź. znowa z Chróścic jako livestream scěhować. Bože mše přeni swjaty dzeń hód, pónđzelu, 25. decembra, na swjateho Šćěpana, wutoru, 26. decembra, na swjedženju swjateje swójby, njedźelu, 31. decembra, Nowe lěto, pónđzelu, 1. januara, na swjedženju Wozjaw-njenja Knjeza, sobotu, 6. januara, kaž tež njedźelu Jězusoweje křćeńcy, 7. januara – stajnje w 9.00 hodź. –, budu tohorunja jako livestream wusyłane. Linki na nje budu w interneće pod [www.posol.de](http://www.posol.de) kaž tež na wosadneje stronje podate..

## Koparski turněr TCM

Towarstwo Cyrila a Metoda z.t. (TCM) zarjaduje sobotu, 6. januara, w 15.30 hodź. w Chróścianskej „Jednoće“ halowy koparski turněr wo pokal TCM. Přeprošene su wosadne a wjesne cyłki młodžiny kaž tež mustwa sportowych jednotkow. Hrate budže z třomi koparjemi a wrotarjom. Přizjewić měli so mustwa hač do srjedy, 3. januara, pola Guida Zahrodnika w Jaseńcy, telefonowe čisło (03 59 33) 3 11 53, mobilnje (01 51) 52 22 17 59.

## Beneficny hodowny koncert w Róžeńće

Chór Lipa wuhotuje zhromadnje ze šolu klóšterskich knježnow Marijineje hwězdy kaž tež instrumentalistami štwórtk, 28. hodownika, w 17.30 hodź. beneficny hodowny koncert w Róžeńčanskej swjatnicy. Pjenježne dary su za wuporjedjenje tamnišeje Marijineje studnički postajene. Wšitcy su wutrobnje přeprošeni.

## Silwesterski koncert w Bačońskej cyrkwi

Na koncert k wuklinčenju lěta přeprošuje Bačońska wosada njedźelu, 31. decembra, do swojeje cyrkweje. Hinak, hač bě to dotal, zahaji so koncert hižo w 17.00 hodź. Lětsa wuhotuje jón 13 wnučkow njeboh Hany a Bena Šnajdera ze Smječkec a jich mandželscy respektiwne partnerjo.

## Hodowny koncert w Radworju

Swój hodowny koncert wuhotuje chór Meja sobotu, 6. januara, w 17.00 hodź. w Radworskim hosćencu „Meja“. Nimo chóra wuhotuja jón Radworske džěci. Hanka Rjelcyna budže hodowno-zymske teksty a basnje recitować. Přizamknje so spěwny wječor.

## Hodowny koncert w Chróścicach

Tradicionalny hodowny koncert Chróścianskeho cyrkwinskeho chóra budže njedźelu, 7. januara, w 14.00 hodź. w tamnišej farskej cyrkwi. Džěćacej šoli a wosadni dujerjo jón sobu wuhotuja.

## **Bratrowstwo předstaji swoju inscenaciju**

Kulowske Bratrowstwo přepróšuje wšitkich zajimcow na poslednje předstajenje swojeje komedije „Tónkróc něšto z niwowom!“, a to we wobłuku swojeho lětneho swjedženja sobotu, 6. januara 2024, w Sulšecach. Započatk je w 19.00 hodź.

## **Na komediju „Alojs MOBILizuje!“**

Lajska dźiwadłowa skupina Chróscicy přepróšuje wšitkich zajimcow na dalšej předstajeni swojeje noweje inscenacije „Alojs MOBILizuje!“. Wonej budžetej klětu njedźelu, 7. januara, w Radworju kaž tež njedźelu, 21. januara, w Njebjelčicach. Započatk je stajnje w 16.00 hodź.

## **Putnikowanje do Medźugorja**

Na dwurěčnu putnisku jězbu do Medźugorja su zajimcy klětu w měrcu a w oktobrje přepróšeni. Prěnju jězbu wot soboty do soboty, 16. do 23. měrcy, organizuje Enrico Šořta. Přizjewjenja přijimuje wón pod telefonowym čisłom (01 62) 9 62 83 70 abo z mejlku na [enrico.scholze@t-online.de](mailto:enrico.scholze@t-online.de). Zamołwita za dalšu jězbu wot soboty do soboty, 12. do 19. oktobra, je Regina Kurjatowa. Zajimcy móža so pola njeje pod čisłom (03 57 92) 5 13 77 abo z mejlku na adresu [Regina.Kurjat@web.de](mailto:Regina.Kurjat@web.de) přizjewić.

## **Jězba w lětnich prózdninach do Lückendorfa**

Dekanatne dušepastyrstwo za džěci přepróšuje šulerki a šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot póndźele do pjatka, 8. do 12. julija 2024. Swójski přinošk na wobdźělnika wučinja 110 eurow. Přizjewjenja přijimuja hač do njedźele, 31. měrcy 2024, online. Link na wotpowědnu stronu je pod [www.posol.de](http://www.posol.de) wozjewjeny. Po přizjewjenju dóstanu wobdźělnicy dalše informacije z mejlku.

## **Mandźelske seminary**

Seminary k přihotej na sakrament mandželstwa wotměja so klětu stajnje pjatk a sobotu, 16. a 17. februara, 26. a 27. apryla kaž tež 29. a 30. nowembra w Smochčanskim kubłanišću swjateho Bena. Přizjewjenja přijimuje Dekanatne dušepastyrstwo młodžiny we Worklecach hač do srjedy, 17. januara, online. Link je pod [www.posol.de](http://www.posol.de) podaty.

## **Wukubłanje JULEICA**

Worklečanske młodžinske dušepastyrstwo přewjedže klětu zaso za zajimcow kurs JULEICA. Wukubłanje wobsteji z dweju džělow a wotměje so stajnje wot pjatka do njedźele z přenocowanjom w Smochčicach. Prěni termin budže hižo wot 19. do 21. januara, a nic kaž dotal wozjewjene spočatk februara. Druhi džěl scěhuje wot 26. do 28. apryla. Zajimcy měli so nimo toho na kursu přenjeje pomocy wobdźělič. Tón budže sobotu, 2. měrcy, we Worklečanskim Don Boskowym domje. Přizjewjenja přijimuja hač do wutory, 19. decembra, online. Link je pod [www.posol.de](http://www.posol.de) podaty.